

ՀԱՅՏԱՐԱՐՈՒԹՅՈՒՆ

4 նոյեմբերի, 2013 թվական, Երևան

2013 թվականի հոկտեմբերի 31-ին Երևանի քաղաքապետարանի ավագանու նիստի ընթացքում ավագանու անդամ Անահիտ Բախշյանը բարձրաձայնել է քաղաքապետարանի ոչ հրապարակային աշխատելանքի հարցը և որպես հիմնավորում նշել 2013 թվականի “Ոսկե բանալի և Ժանգոտ կողպեք” տեղեկատվության ազատության ամենամյա մրցանակաբաշխությանը քաղաքապետարանին շնորհված ժանգոտ կողպեք մրցանակը: Անահիտ Բախշյանը նշում է, որ Երևանի քաղաքապետարանի աշխատակազմի քարտուղար Մերգեյ Մակարյանը ի պատասխան իր հարցադրմանը, հայտարարել է, թե “տեղեկատվության ազատության կենտրոնի ղեկավարությունը ներողություն է խնդրել իրենցից այն բանի համար, որ Երևանի քաղաքապետարանին «շնորհած» ժանգոտ կողպեք մրցանակը սխալմամբ է տրվել Երևանի քաղաքապետարանին, որովհետև իրենք ապացուցել են վերոնշյալ հ/կ-ին, թե որքան թափանցիկ ու բաց են իրենք աշխատում”:

“Ինֆորմացիայի ազատության կենտրոն” հասարակական կազմակերպությունը հայտարարում է, որ Երևանի քաղաքապետարանի աշխատակազմի քարտուղարի հայտարարությունը չի համապատասխանում իրականությանը. արդեն 11-րդ անգամ կայացած “Ոսկե բանալի և Ժանգոտ կողպեք” ՏԱ ամենամյա մրցանակաբաշխության մրցանակակիրներին որոշում է ոչ թե Ինֆորմացիայի ազատության կենտրոնը միանձնյա, այլ՝ հասարակական կազմակերպությունների և ՋԼՄ ներկայացուցիչներից կազմված մրցանակաբաշխության ժյուրին՝ առաջնորդվելով սահմանված չափորոշիչներով, հետևապես ԻԱԿ-ի ղեկավարությունը իրավասու չէ և չի կարող որևէ մեկից ներողություն խնդրել մրցանակաբաշխության արդյունքների համար:

Եվս մեկ անգամ տեղեկացնում ենք, որ Երևանի քաղաքապետարանն արժանացել է 2013 թվականի սեպտեմբերին կայացած “Ոսկե բանալի և Ժանգոտ կողպեք” ամենամյա մրցանակաբաշխությանը Երևանի քաղաքապետարանն արժանացել է ժանգոտ կողպեք մրցանակին՝ որպես տեղեկություն ստանալու հարցումներին ամենադանդաղ պատասխանող կառույց: Ավելին, Երևանի քաղաքապետ Տարոն Մարգարյանն ընդգրկվել է ԻԱԿ-ի 2013 թվականի 3-րդ եռամսյակային (հուլիս-սեպտեմբեր) Սև ցուցակում՝ ԻԱԿ-ի հարցումներին 1 ամիս 7 օր ուշացումով պատասխանելու համար:

Առաջարկում ենք Երևանի քաղաքապետին ծառայողական քննություն անցկացնել՝ պարզելու, թե ինչի հիման վրա է աշխատակազմի քարտուղարը նման հայտարարություն արել:

“Ոսկե բանալի և Ժանգոտ կողպեք” ՏԱ ամենամյա մրցանակաբաշխության մասին մանրամասն տեղեկություններ կարող եք գտնել այստեղ՝ <http://www.foi.am/hy/awards-winners/>

Երևանի քաղաքապետարանի ԻԱԿ-ի ուղղած հարցումները և դրանց պատասխանները կարող եք գտնել այստեղ՝ <http://www.givemeinfo.am/hy/entity/110/>